



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Pauli Segneri Societatis Jesu Brevis Vitæ Historia
cum ejusdem Concordia Quietis & Laboris in Oratione,
Expositione in Psalmum Miserere, Considerationibus de
Inferno, Expositione Cantici ...**

Massei, Giuseppe

AUGUSTÆ Vindel. & DILINGÆ, 1707

VD18 12383155

Praxis Conjunctionis interioris cum Deo Pro actionibus tam particularibus,
quàm Generalibus quæ per diem obeundæ veniunt desumpta ex Psalmis

[urn:nbn:de:hbz:466:1-47773](https://nbn-resolving.org/urn:nbn:de:hbz:466:1-47773)

PRAXIS

Conjunctionis interioris

cum DEO

Pro actionibus tam particularibus,

quàm Generalibus

quæ per diem obeunda veniunt

desumpta ex Psalmis,

ad usum earum maximè Personarum

quæ DEO se



in Sacris Cœtibus, seu Religionibus

consecrârunt

operâ & studio


Ejusdem Vener. P. Pauli Segneri

Societatis JESU.

) o (

Aa 2

Pars I.



Pars I.

Quæ complectitur actiones quotidianas.

Manè, cum excitaris.

Paratum cor meum DEUS, paratum cor meum : exurgam diluculo. Psal. 107.

Dum vestibus te induis.

DEUS DEUS meus, ad te de luce vigilo, & reliqua. Psal. 62.

Dum ad Orationem te paras.

Omnia à te expectant, ut des illis escam in tempore. Dante te illis colligent : aperiente te manum tuam, omnia implebuntur bonitate, averrente autem te faciem turbabuntur. Auferes spiritum eorum, & deficient, & in pulverem suum revertentur. Psal. 103.

Oculi omnium in te sperant Domine, & tu das illis escam in tempore opportuno : aperis tu manum tuam, & imples omne animal benedictione. Psal. 144.

Catuli leonum rugientes, ut rapiant, & quærant à DEO escam sibi. Psal. 103. *Talem te esse cogitabis, & idcirco excitabis te ad cibum è manibus DEI amabili & reverente violentiâ rapiendum, si ille in hoc præbendo difficilem se monstraret.*

Quemadmodum desiderat Cervus ad fontes aquarum, ita desiderat Anima mea ad te DEUS. Sitivit Anima mea
ad

ad DEUM fortem vivum; quando veniam & apparebo
ante faciem DEI? Fuerunt mihi lacrymæ meæ panes die
ac nocte, dum dicitur mihi quotidie, ubi est DEUS tuus?
Hæc recordatus sum, & effudi in me animam meam, quo-
niam transibo in locum Tabernaculi admirabilis usque ad
Domum DEI. Psal. 41.

Dat Jumentis escam ipsorum, & pullis Corvorum in-
vocantibus eum. Psal. 146. *Et idcirco confides etiam tu.*

Gustate, & videte, quoniam suavis est Dominus; Be-
atus vir, qui sperat in eo. Psal. 33.

Manè astabo tibi, & videbo, quoniam non DEUS vo-
lens iniquitatem tu es. Psal. 5.

Prævenerunt oculi mei ad te diluculo, ut meditarer
eloquia tua. Psal. 118.

Dirigatur Domine oratio mea, sicut incensum in con-
spectu tuo. Psal. 104.

Potabunt omnes bestię agri: expectabunt onagri in
siti sua. Psal. 103. *Sic dices, ad te deprimendum, timendo,
ne dum horâ illâ fratres tui (tanquam animantes domestica)
abunde potabuntur, tu velut bellua sylvestris siti emoriaris.*

Vacate, & videte, quoniam ego sum DEUS: exaltabor
ingentibus, & exaltabor in terra. Psal. 45.

*Dum te aspergis aquâ lustrali ad Orationem
inchoandam.*

Declinate à me maligni, & scrutabor mandata DEI
mei. Psal. 118.

Ad initium Orationis antequam procumbas in genua.

Aperite mihi portas Justitiæ, ingressus in eas confite-
bor Domino. *Ita alloqueris Sanctos Angelos, tanquam nobi-
les DEI Aulicos: & imaginaberis tibi, quod illi te mittendo
ad Matrem Sanctissimam, respondeant: Hæc porta Domini,*

justi intrabunt in eam, Psal. 117. *Hujus siquidem patrocinio admitti debes ad alloquium, si gratiose admitti desideras.*

Ad te abjiciendum, cum te in DEI conspectu videris.

Domine quid est homo, quia innotuisti ei, aut Filius hominis, quia reputas eum? Psal. 143. *non dixit: cognitus es ab eo; sed innotuisti ei. Neque enim homo prior fuit in agnoscendo DEO, sed DEUS prior homini cognoscendum se praeiuit.*

Dum petis lumen ad orandum.

Revela oculos meos, & considerabo mirabilia de lege tua. Psal. 118.

Appropinquet deprecatio mea in conspectu tuo Domine, juxta eloquium tuum da mihi intellectum. Ps. 118. *quibus verbis petitur gratia intelligendi Scripturas juxta proprium earum sensum. Da mihi intellectum, & scrutabor legem tuam, & custodiam illam in toto corde meo. Ps. 116.*

Quoniam tu illuminas lucernam meam, Domine, DEUS meus illumina tenebras meas. Psal. 17.

Emitte lucem tuam, & veritatem tuam, ipsa me deduxerunt, & adduxerunt in montem sanctum tuum, & in tabernacula tua. Psal. 42. *Deduxerunt, & adduxerunt prophético more dicitur pro deducunt & adducunt.*

DEUS misereatur nostris, & benedicat nobis: illuminet vultum suum super nos, & misereatur nostri; ut cognoscamus in terra viam tuam, in omnibus gentibus salutare tuum. Psal. 66.

Memento nostri Domine in beneplacito tuo: visita nos in salutari tuo, ad videndum in bonitate (*hoc est bonum*) electorum tuorum; ad latandum in lætitia gentis tuæ, ut lauderis

lauderis cum hæreditate tua. Psal. 105. Incola ego sum in terra, non abscondas à me mandata tua. Psal. 118. *Proprium enim est alienigenarum, ignorare consuetudines regionis.* Servus tuus sum ego, da mihi intellectum, ut sciam testimonia tua. Psal. 118. *Incumbit enim Servis, ut conentur intelligere voluntatem Domini.*

DEUS tu scis insipientiam meam, & delicta mea à te non sunt abscondita. Psal. 48. *Quæ delicta augere solent ignorantiam naturalem.*

Qui sedes super Cherubin, manifestare coram Ephraim, Benjamin & Manasse: ostende faciem tuam, & salvi erimus. Psal. 79. Notam fac mihi viam, in qua ambulem, quia ad te levavi animam meam. Psal. 142.

Ad se humiliandum, cum in progressu Orationis non adfuerit istud lumen, & ad urgenda postulata.

Comprehenderunt me iniquitates meæ, & non potui ut viderem. Psal. 39.

Domine DEUS virtutum, quousque irasceris super orationem servi tui? Psal. 79.

Nunquid cognoscentur in tenebris mirabilia tua, aut judicia tua in terra oblivionis? Psal. 87. *Hoc est, in terra cujus oblitus sit DEUS.*

Ad rogandum DEUM, ut tibi loqui dignetur.

Auditam fac mihi manè misericordiam tuam, quia in te speravi: Notam fac mihi viam, in qua ambulem, quia ad te levavi animam meam. Psal. 142.

Beatus, quem tu erudieris Domine, & de lege tua docueris eum! Psal. 93.

Ignitum eloquium tuum vehementer, & servus tuus dilexit illud. Psal. 118.

Fac

Fac cum seruo tuo secundum misericordiam tuam, & justificationes tuas doce me. Psal. 118.

Viam justificationum tuarum instrue me, & exercebor in mirabilibus tuis. Psal. 118.

Fac cum seruo tuo secundum misericordiam tuam, & justificationes tuas doce me. Psal. 118.

Bonus es tu, & in bonitate tua doce me justificationes tuas. Psal. 118.

Vias tuas Domine demonstra mihi, & semitas tuas edoce me. Psal. 42. *Quae omnia eo spectant, ut petatur à DEO, ut ipse dignetur esse Magister, utque idcirco ipse loquatur, dum tu illum auscultas; & o beatum te, si ille te alloquatur, ut Davidem his verbis! Intellectum tibi dabo, & instruam te in via hac, quâ gradieris; firmabo super te oculos meos. Psal. 31. Et idcirco pete hanc ab ipso gratiam.*

Ut prepares te ad ipsum audiendum, cum tibi loqui coeperit.

Audiam quid loquatur in me Dominus DEUS. Ps. 88. *& ut dignoscas, verène ille sit qui loquitur, serviunt, quae mox sequuntur: Quoniam loquetur pacem in plebem suam, & in eos, qui convertuntur ad eor. Quando enim DEUS loquitur, semper relinquit in anima multam pacem, & sive ad Peccatores (in Plebem suam) sive ad Justos (super Sanctos suos) loquatur, sive ad eos, qui actu ad ipsum convertuntur (in eos qui convertuntur ad eor) semper locutionem suam refert ad pacem, ad stabiliendam nimirum perfectam consensionem inter carnem, & spiritum, inter sensualitatem, & rationem, inter hominem & DEUM.*

Obmutui: ad audiendum enim DEUM, qui hac tibi ratione loquatur, ante omnia necessarium est, tacere: & humiliatus

liatus sum; subinde oportet se abjicere, & filii à bonis, mox
 animam advertere, ad excipienda, quæ DEUS dabit, monita.
 Et dolor meus renovatus est. Hic primus effectus est, quem
 in bonis divina hæc locutio excitat, dolor quidam intimus de
 ingrato, quo DEI beneficiis respondemus, animo; quem sequi-
 tur desiderium ardens serviendi ipsi fide quàm optimâ. Con-
 caluit cor meum intra me, & in meditatione mea exarde-
 scet ignis. Psal. 38.

*Ad agendas illi gratias, ubi nobis ita locutus
 fuerit.*

Domine quid est homo, quòd memor es ejus, aut fi-
 lius hominis, quoniam visitas eum? Psal. 8.

Quàm dulcica faucibus meis eloquia tua! super mel ori
 meo. Psal. 118.

Narraverunt mihi iniqui fabulationes, sed non ut
 lex tua. Psal. 118.

*Ad agendas illi gratias pro quacunq[ue] consolatione
 non ordinaria accepta in Oratione.*

Confiteantur Domino misericordiæ ejus, & mirabi-
 lia ejus filiis hominum, quia satiavit animam inanem, &
 animam esurientem satiavit bonis. Psal. 106.

Quàm magna multitudo dulcedinis tuæ Domine,
 quam abscondisti timentibus te! Psal. 30.

Mandavit nubibus desuper, & januas cæli aperuit, &
 pluit illis manna ad manducandum. Panem Angelo-
 rum manducavit homo, cibaria misit eis in abundantia.
 Psal. 77.

Repleti sumus manè misericordiâ tuâ, exultavimus,
 & delectati sumus. Psal. 89.

Vir insipiens non cognoscet, & stultus non intelli-
 get hæc.

B b

get hæc. psal. 91. *Ita loquèris miserando homines Mundi amatores.*

Suavis Dominis universis, & miserationes ejus super omnia opera ejus; *hoc est etiam super miserrimum quemque, qualis & tu es.* psal. 144.

Non secundum peccata nostra fecit nobis, neque secundum iniquitates nostras retribuit nobis. psal. 102.

Qui sicut Dominus DEUS noster, qui in altis habitat, & humilia respicit in cælo, & in terra? Suscitans de terra inopem, & de stercore erigens pauperem. Ut collocet eum cum Principibus, cum Principibus populi sui. psal. 112. *Vox in Cælo, refertur ad illam (qui in altis habitat) & vox in terra ad illam (humilia respicit) & est transpositio Hebraeis familiaris.*

Pluviam voluntariam segregabis DEUS hæreditati tuæ, & infirmata est (*hoc est, quia infirmata est*) tu verò perfecisti eam. Animalia tua habitabunt in ea; parasti in dulcedine tua pauperi, DEUS. psal. 67.

Propè est Dominus omnibus invocantibus eum, omnibus invocantibus eum in veritate. psal. 144.

Pax multa diligentibus legem tuam. psal. 118.

Magnificavit Dominus facere nobiscum, facti sumus lætantes. psal. 115.

Ad rata habenda proposita serviendi ipsi fideliter, ut agnoscamus acceptæ consolationis beneficium.

Dominus dedit benignitatem, & terra nostra dedit fructum suum. psal. 84. In æternum non obliviscar justificationes tuas, quia in ipsis vivicasti me. psal. 118.

Tibi dixit cor meum; exquisivit te facies mea, faciem tuam Domine requiram. psal. 26.

Jura-

Juravi, & statui; custodire judicia justitiæ tuæ. ps. 118.

Viam mandatorum tuorum cucurri, cum dilatâsti cor meum. psal. 118.

Concupivit anima mea desiderare justificationes tuas in omni tempore. psal. 118. *Atque ita desidera saltem desiderare.*

Portio mea Domine dixi custodire legem tuam. ps. 118.

Si oblitus fuero tui Jerusalem, oblivioni detur dextera mea, adhæreat lingua mea faucibus meis, si non meminero tui; si non proposuero Jerusalem in principio lætitiæ meæ. psal. 140.

Custodiam legem tuam semper, in seculum, & in seculum seculi. Psal. 118.

Ut te excites ad ocultanda illa dona, qua DEVS in Oratione tibi communicat.

In corde meo abscondi eloquia tua, ut non peccem tibi. Psal. 118.

Ad excitandum in te magnum timorem, si quando tentareris ad Orationem omittendam.

Omnem escam abominata est anima eorum, appropinquaverunt usque ad portas mortis. psal. 106. *Omnis esca, est Manna, propriissimum symbolum illius cibi, qui in Oratione gustatur.*

Percussus sum, ut scentim, & aruit cor meum, quia oblitus sum comedere panem meum. psal. 101.

Posuisti tenebras, & facta est nox: in ipsa pertransibunt omnes bestix silvæ. *Omnes nimirum cordis tui perturbationes.* psal. 103.

Nisi quia lex tua meditatio mea est; tunc fortè periissem in humilitate mea. psal. 118.

Lucerna pedibus meis verbum tuum, & lumen semitis meis. psal. 118. *Sic ut sublato hoc lumine non possis non cadere.*

Nescierunt, neque intellexerunt: in tenebris ambulant, movebuntur omnia fundamenta terræ. psal. 81.

DEUM non invocaverunt: *quid inde secutum est?* illic trepidaverunt timore ubi non erat timor. psal. 52. *Tam abjecto sunt animo in tentationibus.*

Benedictus DEUS, qui non amovit orationem suam & misericordiam suam à me. psal. 65. *Ad quod subjungit Sanctus Augustinus. Cùm videris non amoveri à te deprecationem tuam, securus esto, quia non est amota à te misericordia ejus. Collige proin hinc è diverso, quòd si amota est à te deprecatio, amota sit etiam misericordia.*

Vt statuas, non ante te componere ad quietem capiendam, quàm Orationis pensum persolveris.

Si ascendero in lectum strati mei: si dederò somnum oculis meis, & palpebris meis dormitationem; & requiem temporibus meis; donec inveniam locum Domino. psal. 131. *Quid est aliud invenire locum Domino, quàm ex corde tuo templum DEO construere, & inibi eum invocare?*

Si oblitus fuero tui Jerusalem, oblivioni detur dextera mea: adhæreat lingua mea faucibus meis, si non meminero tui. Si non proposuero Jerusalem in principio lætitiæ meæ. psal. 136.

Vt animos tibi addas, siquando Orationis tempore aridum te & desolatam experiaris.

DEUS, DEUS meus respice in me, quare me dereliquisti? longè à salute mea verba delictorum meorum. Pl. 21. i. o. *delicta mea, juxta phrasin hebraeam.*

Aruit

Aruit tanquam testa virtus mea, & lingua mea adhæsit faucibus meis, & in pulverem mortis deduxisti me. ps. 37.

Ut jumentum factus sum apud te; & ego semper tecum. psal. 22.

Tractat de DEUS ut jumentum, quando pro eo quod te pascat manna in Oratione, pascit te ex ucco fæno: ne tamen idcirco ab eo recesseris.

Domine DEUS virtutum, quousque irasceris super orationem servi tui? cibabis nos pane lacrymarum, & potum dabis nobis in lacrymis in mensura. psal. 79.

Usquequo Domine repellis Orationem meam, avertis faciem tuam à me? Pauper sum ego, & in laboribus à juventute mea. psal. 87.

Expandi manus meas ad te, anima mea sicut terra, sine aqua tibi. psal. 142.

Quare faciem tuam avertis? oblivisceris inopiæ nostræ, & tribulationis nostræ. psal. 43.

Usquequo Domine oblivisceris me in finem; usquequò avertis faciem tuam à me? psal. 12.

Dederunt in escam meam fel, & in siti mea potaverunt me aceto. psal. 67. *Perinde ac si querereris apud DEUM, quòd pro eo quod invenias dulcedinem in Oratione, ut alij, tu amara omnia sentias.*

Ut quid Domine repulisti in finem? iratus est furor tuus super oves pascuæ tuæ? Lætifica animam servi tui, quoniam ad te Domine animam meam levavi: quoniam tu Domine suavissimus & mitis, & multæ misericordiæ omnibus invocantibus te. psal. 85.

Posuit flumina in desertum, & exitus aquarum in sitim: terram fructiferam in saluginem à malitia inhabitantium.

tium in ea. psal. 106. *Tale in desolationibus est cor nostrum.*

Vivifica me, & custodiam sermones tuos. psal. 88.

Ut animos tibi addas in desolationibus, quas etiam extra Orationem experiris.

Anima mea turbata est valdè, sed tu Domine usquequo? psal. 6.

Ut quid Domine recessisti longè? despicias in opportunitatibus in tribulatione. Psal. 9.

Secundùm misericordiam tuam memento mei tu propter bonitatem tuam. psal. 23.

Respice in me, & miserere mei, quia unicus & pauper sum ego. psal. 23.

Ne avertas faciem tuam à me; ne declines in ira à servo tuo. psal. 26.

Inclina ad me aurem tuam, accelera, ut eruas me. psal. 30.

Redde mihi lætitiã salutaris tui, & spiritu principali confirma me. psal. 50.

Laboravi clamans, rauca facta sunt fauces meæ, defecerunt oculi mei, dum spero in DEUM meum. ps. 68.

Miser factus sum, & curvatus sum usque in finem, tota die contristatus ingrediebar. psal. 37.

Ne avertas faciem tuam à puero tuo, quoniam tribulor, velociter exaudi me; intende animæ meæ, & libera cam. psal. 68.

Defecerunt oculi mei in eloquium tuum dicentes, quando consolaberis me. psal. 118.

Dormitavit anima mea præ tædio; confirma me in verbis tuis, psal. 118.

Quare

Quare oblitus es mei, & quare contristatus incedo, dum affligit me inimicus? psal. 41.

Miserere mei Domine quoniam ad te clamavi tota die: lætifica animam servi tui, quoniam ad te Domine animam meam levavi. Quoniam tu Domine suavis, & mitis, & multæ misericordiæ omnibus invocantibus te. psal. 85.

In me tranſierunt omnes iræ tuæ, & terrores tui conturbaverunt me: circumdederunt me ſicut aqua tota die, circumdederunt me ſimul. Elongâſti à me amicum, & proximum, & notos meos à miſeria. psal. 87. *Per ultimos hos intelligere potes Sanctos Advocatos & Patronos tuos, quorum nemo videtur meminiffe tui ad opem tibi ferendam, quando deſolatio magna eſt.*

Exurge, quare obdormis Domine, exurge, & ne repellas in finem. Quare faciem tuam avertis, obliſceris inopiæ noſtræ, & tribulationis noſtræ? Quoniam humiliata eſt in pulvere anima noſtra, conglutinatus eſt in terra venter noſter. Exurge Domine adjuva nos, & redime nos propter nomen tuum. psal. 43.

A fortitudine manus tuæ ego defeci in increpationibus. Propter iniquitatem corripuiſti hominem, & tabeſcere feciſti ſicut araneam animam ejus: Verumtamen vanè conturbatur omnis homo (*ſi enim DEUS illum conſolari non vult, fruſtra alibi ſolatia querit.*) Exaudi orationem meam & deprecationem meam, auribus percipe lacrymas meas. Ne ſilcas (*tunc re verâ tacet DEUS, quando etiam aures ad nos audiendos obturare videtur*) quoniam advena ego ſum, & peregrinus ſicut omnes patres mei. (*Peregrinus in terra eſt, qui non illam, ſed celum, habet pro patria, & idcirco ad DEUM cum fiducia confugit.*) Remitte mihi ut refrigerer priusquam abeam, & ampliùs non ero (*hoc eſt, non*
ero

ero amplius peregrinus.) Rectè dein dicitur, Refrigerer: neque enim hîc datur gaudere plenâ consolatione, sed refrigerio duntaxat modico; ut proprium peregrinorum est in suis itineribus. psal. 38.

Fac mecum signum in bonum (hoc est, da mihi signum quoddam bonum) ut videant qui oderunt me, & confundantur, quoniam tu Domine adjuvisti me, & consolatus es me. psal. 8. Hoc porro signum bonum videtur esse latitia spiritualis Justorum propria, ut ait Bellarminus.

Ut iisdem in occasionibus resumam animum excitando te spe redituræ paulo post consolationis.

Non in finem erit oblivio pauperis: patientia pauperum non peribit in finem. psal. 9.

Quare tristis es Anima mea, & quare conturbas me? spera in DEO, quoniam adhuc confitebor illi, salutare vultus mei, & DEUS meus. psal. 41.

Expecta Dominum, viriliter age, confortetur cor tuum, & sustine Dominum. psal. 26.

DEUS manifestè veniet, DEUS noster, & non silebit. psal. 49.

Expectabo eum, qui salvum me fecit à pusillanimitate spiritus, & tempestate. psal. 53. Fecit prophetico more dictum est pro faciet.

In umbra alarum tuarum sperabo, donec transeat iniquitas. psal. 65.

Nunquid in æternum projiciet DEUS? aut non apponet, ut complacitior sit adhuc? aut in finem misericordiam suam abscindet à generatione in generationem, aut obliviscetur misereri DEUS, aut continebit in ira sua misericordias suas? psal. 76.

Non

Non in perpetuum irascetur, neque in æternum com-
minabitur. psal. 102.

Dat nivem, sicut lanam: nebulam (*id est pruina*)
sicut cinerem spargit, mittit cristallum suam (*id est glaciem*)
sicut buccellas. Ante faciem frigoris ejus quis sustinebit?
Emitte verbum suum, & liquefaciet ea, flabit spiritus
ejus, & fluent aquæ. psal. 147. *Quod idem est ac dicere:*
quantillo opus est DEO, ut, si vult, gelu tam magnum dis-
sipet?

DEUS judex justus, fortis & patiens: nunquid ira-
scitur per singulos dies? psal. 7.

Ad vesperum demorabitur fletus, & ad matutinum
læticia. psal. 29.

Sustinentes Dominum ipsi hæreditabunt terram. ps. 36.

Habitare facit sterilem in domo, matrem filiorum
lætantem. psal. 112.

Jacta super Dominum curam tuam, & ipse te enu-
triet: non dabit in æternum fluctuationem Justo. psal. 14.

Tu dominaris potestati maris: motum autem fluctu-
um ejus tu mitigas. psal. 88.

Anima nostra sustinet Dominum (*id est, expectat pa-*
tienter) quoniam adjutor & protector noster est; quia in eo
lætabitur cor nostrum. psal. 32.

Ad agendas DEO gratias quando finitis tandem de-
solationibus ille ad te visitandum redierit.

Convertisti planctum meum in gaudium mihi: con-
scidisti saccum meum & circumdedisti me lætitiâ. Ut
cantet tibi gloria mea, & non compungat: Domine DEUS
meus in æternum confitebor tibi. psal. 29.

Discedite à me omnes, qui operamini iniquitatem, quoniam exaudivit Dominus vocem fletus mei. psal. 6.

Quantas ostendisti mihi tribulationes multas & malas & conversus vivificasti me, & de abyssis terræ iterum reduxisti me: multiplicasti magnificentiam tuam, & consolatus es me. psal. 70.

Petierunt, & venit coturnix; & pane cæli saturavit eos: dirupit petram, & fluxerunt aquæ, abierunt in sicca flumina, quoniam memor fuit verbi sancti sui, quod habuit ad Abraham puerum suum. Et eduxit populum suum in exultatione, & electos suos in lætitia. psal. 104.

Secundum multitudinem dolorum in corde meo, consolationes tuæ lætificaverunt animam meam. psal. 93.

Dedit eis petitionem eorum, & misit saturitatem in animas eorum. psal. 105.

Statuit procellam ejus in auram, & siluerunt fluctus ejus. Et lætati sunt, quia siluerunt, & deduxit eos in portum voluntatis eorum. psal. 106.

Posuit desertum in stagna aquarum, & terram sine aqua in exitus aquarum. psal. 106.

Convertit petram in stagna aquarum, & rupem in fontes aquarum. psal. 113.

Videant qui oderunt me, & confundantur, quoniam tu Domine adjuvisti me, & consolatus es me. psal. 85.

Lætati sumus pro diebus, quibus nos humiliasti, annis quibus vidimus mala. psal. 89.

Ego dixi in excessu mentis meæ: projectus sum à facie oculorum tuorum. Ideo exaudisti vocem orationis meæ, dum clamarem ad te. psal. 30. *Hoc est, quando magis derelictum te existimabas; projectus,*

Renuit

Renuit consolari anima mea; memor fui DEI, & delectatus sum. psal. 76.

In die tribulationis meæ DEUM exquisivi manibus meis nocte contra eum, & non sum deceptus. psal. 76.
Inveniri se permittit DEUS etiam in tenebris, dum velut manibus explorabundis queritur.

Educens nubes ab extremo terræ; fulgura in pluviā fecit. psal. 143.

Viderunt te aquæ DEUS, viderunt te aquæ & timuerunt. psal. 76. *Per aquas convenienter intelliguntur tempestates animæ, dissipata mox atque DEUS in illa apparet.*

Exortum est in tenebris lumen rectis; misericors & miserator & justus. Psal. III.

*Ante pensum Sacerdotale, aut alias ejus generis
Orationes vocales.*

Lingua mea meditabitur justitiam tuam, tota die laudem tuam. Psal. 34.

Vespere, & mane, & meridie narrabo & annuntiabo & exaudiet vocem meam. Psal. 54.

A solis ortu usque ad occasum, laudabile nomen Domini, Psal. 112. *Hoc est à nunc usque ad vesperum.*

Adjutor meus tibi psallam, quia DEUS susceptor meus es: DEUS meus misericordia. Psal. 58.

Repleatur os meum laude, ut cantem gloriam tuam, tota die magnitudinem tuam. Psal. 70.

Exultabunt labia mea, cum cantavero tibi, & anima mea, quam redemisti: sed & lingua mea tota die meditabitur justitiam tuam. Psal. 70.

Cantabo Domino in vita mea; psallam DEO meo
quam-

quamdiu sum. Jucundum sit ei eloquium meum: ego vero delectabor in Domino. Psal. 103.

Vivet anima mea, & laudabit te, & judicia tua adjuvabunt me. Psal. 118.

Lauda anima mea Dominum, laudabo Dominum in vita mea. Psallam DEO meo, quamdiu fuero. Ps. 114.

In conspectu Angelorum psallam tibi; adorabo ad templum sanctum tuum, & confitebor nomini tuo: Super misericordia tua, & veritate tua, quoniam magnificasti super omne nomen sanctum tuum. Psal. 137.

Laudationem Domini loquetur os meum; & benedicat omnis caro nomini sancto ejus in seculum, & in seculum seculi. Psal. 144.

DEO nostro sit jucunda decoraque laudatio. Ps. 145.

Psallite DEO nostro, psallite Regi nostro, psallite. Quoniam Rex omnis terræ DEUS, psallite sapienter. Psal. 46. *Nota vocem sapienter, & erubescere, si in persolvendo divino officio tam vagus es, ut ne quidem scias, quid dicas; aut saltem in rem attentus non es.*

Immola DEO sacrificium laudis. & redde altissimo vota tua. Psal. 49. *Sic alloqueris animam tuam, ad eam excitandam.*

Persoluto divino Officio.

Sic Psalmum dicam Nomini tuo in seculum seculi, ut reddam vota mea de die in diem. Psal. 60.



Pro Examine ante Confessionem vide infra sub titulo: In Examine Conscientiæ.

Dum ad Confessionem peragendam accedis.

Iniquitatem meam annuntiabo, & cogitabo pro peccato meo. Psal. 37. *S. Hieronymus legit: Sollicitus ero pro peccato meo; cogitando quid mihi faciendum sit ad illud expiandum.*

Mox à peracta Confessione, dum provolutus in genua ad persolvendam pœnitentiam Sanctorum opem exposcis.

Delictum meum cognitum tibi feci, & injustitiam meam non abscondi. Dixi confitebor adversum me injustitiam meam Domino, & tu remisisti impietatem peccati. Pro hac orabit ad te omnis Sanctus in tempore opportuno. Psal. 31. *Nota vocem illam, adversum me; & discite te, & non alium, de malitia tua accusare.*

Ad colloquendum suaviter cum DEO à peracto

Missæ Sacrificio.

Dic animæ meæ: salus tua ego sum. Psal. 34.

Ego dixi Domine miserere mei; sana animam meam, quia peccavi tibi. Psal. 40.

Omnia ossa mea dicent, Domine, quis similis tibi? Psal. 34.

Ne derelinquas me Domine DEUS meus, ne discesseris à me. Psal. 37.

O Domine saluum me fac, ô Domine bene prosperare. Benedictus qui venit in nomine Domini. Psal. 77. *Venit,*

C 3

in præ-

in praterito. DEUS meus es tu, & confitebor tibi: DEUS meus es tu, & exaltabo te. Psal. 117. *Et quando unquam maiore cum fundamento dicere poteris DEO, quòd tuus sit, quàm quando intra te est?*

Apud me oratio DEO vitæ meæ: dicam DEO, susceptor meus es. *Nisi malis nunc dicere:* Susceptor tuus sum. Psal. 41.

Domum tuam Domine decet sanctitudo in longitudinem dierum. Psal. 92. *Ideo excita te ad constantem Innocentiam.* Nonne DEO subjecta erit anima mea? ab ipso enim salutare meum. Psal. 61.

Quid mihi est in cælo, & à te quid volui super terram? Defecit caro mea, & cor meum: DEUS cordis mei, & pars mea DEUS in æternum. Psal. 72. *Nuntium remittit cælo & terra, qui non spectat aliud quàm DEUM: paratus hoc in Mundo carere solatiis omnibus non humanis tantùm, sed etiam caelestibus.*

Benedic anima mea Domino, & omnia quæ intra me sunt nomini sancto ejus. Psal. 102.

Domine dilexi decorem domus tuæ, & locum habitationis gloriæ tuæ. *Talis locus est cor tuum, & ideo mundum illud serua.* Clamavi ad te Domine, dixi, tu es spes mea, portio mea in terra viventium. Psal. 41.

Parasti in conspectu meo mensam adversus eos, qui tribulant me. Psal. 22.

Vivit Dominus, & benedictus DEUS meus, & exaltet DEUS salutis meæ. Psal. 17.

Vt excites te ad fugiendum consortium humanum etiam tempore desolationis, imò tunc magis, quàm unquam alias.

Cor meum conturbatum est in me, & formido mor-

tis ce-

tis cecidit super me. Timor & tremor venerunt super me, & contexerunt me tenebræ: & dixi: quid? Quis dabit mihi pennas sicut columbæ, & volabo, & requiescam? Ecce elongavi fugiens, & mansi in solitudine. Expectabam eum, qui salvum me fecit à pusillanimitate spiritus, & rempestate. Psal. 54. Fecit iterum propheticè pro faciet.

A voce gemitus mei adhæsit os meum carni meæ: quid hinc sequitur? Similis factus sum pellicano solitudinis: factus sum sicut nycticorax in domicilio. Vigilavi, & factus sum sicut passer solitarius in tecto. Psal. 101.

In terra deserta, & invia & inaquosa sic in sancto apparui tibi, ut viderem virtutem tuam, & gloriam tuam. Psal. 62. *Id est:* ita ut viderem: tantum prodest, manere in loco deserto. Transmigra in montem sicut passer, quoniam ecce peccatores intenderunt arcum, paraverunt sagittas suas in pharetra, ut sagittent in obscuro rectos corde. Psal. 10.

Hortatur nos ad studium solitudinis, ut fugiamus insidias peccatorum, qui nos seducere vellent. Cadent in reticulo ejus peccatores. Quid igitur agendum tibi, ne in hos ipsos Dæmonis laqueos incidas? Singulariter sum ego donec transeam. Solitudo quarendæ: quod idem est ac procul esse ab his laqueis: atque hoc non modico tantum tempore, sed usque ad finem. Donec transeam. Psal. 40. Sic Sanctus Chrysostomus hunc locum interpretatus est.

Ad petendum à DEO lumen in peragendo negotio quod quis aggressus sit.

Dirige me in veritate tua, & doce me, quia tu es DEUS Salvator, & te sustinui tota die. Psal. 24.

Respice in servos tuos, & in opera tua, & dirige filios

lios eorum : & sit splendor Domini DEI nostri super nos,
& opera manuum nostrarum dirige super nos, & opus ma-
nuum nostrarum dirige. Psal. 89.

*Dum primo ad cibum capiendum, deinde ad collo-
quendum acceditur.*

Pone Domine custodiam ori meo (*ori, in cibo sumen-
do*) & ostium circumstantiæ labiis meis (*labiis inter collo-
quendum.*) Psal. 140.

Dum ad colloquium, de quo modo, itur.

Dixi custodiam vias meas, ut non delinquam in lin-
gua mea. Psal. 38.

Vir linguosus non dirigetur in terra. Psal. 39.

Statue seruo tuo eloquium tuum in timore tuo. Psal. 118.

Non faciam proximo meo malum, & opprobrium
non accipiam adversus proximos meos. Psal. 14.

Os tuum abundavit malitiã, & lingua tua concinna-
bat dolos; sedens adversus fratrem tuum loquebaris, ad-
versus filium matris tuæ ponebas scandalum: hæc fecisti,
& tacui. Existimasti iniquè quod ero tui similis? arguam
te, & statuem contra faciem tuam. Psal. 49.

*Sæpe tecum
repete hæc verba, quibus DEUS te alloquitur, & contremisce.
Id colligendum animum, si quando se effudisset in
colloquia plus æquo lata, aut in varia negotia profa-
na, & multas curas externas.*

Salvum me fac DEUS, quoniam intraverunt aquæ
usque ad animam meam: infixus sum in limo profundi,
& non est substantia. Psal. 68.

Sicut aqua effusus sum, & dissipata sunt omnia ossa
mea. Psal. 21.

Eripe

Eripe me de luto, ut non infigar. psal. 68.

Erravi sicut ovis, quæ periit, quære servum tuum; quia legem tuam non sum oblitus. psal. 118. *Hoc est, longè evagatus es à DEO, etsi illum non offenderis.* Emitte manum tuam de alto, eripe me, & libera me de aquis multis: de manu filiorum alienorum, quorum os locutum est vanitatem. psal. 43. *Filii alieni illi sunt qui non sunt ejusdem spiritus, sed agere volunt de aliis, quàm de DEO.*

Dum domo prodis.

Dominus custodiat introitum meum, & exitum meum ex hoc nunc & usque in seculum. psal. 120.

Gressus meos dirige secundum eloquium tuum, & non dominetur mei omnis injustitia. psal. 118.

Deduc me Domine in via tua, & ingrediar in veritate tua: lætetur cor meum, ut timeat nomen tuum, *id est, sic lætetur, ut timeat, &c.* psal. 85.

Ab omni via mala prohibui pedes meos, ut custodiam mandata tua. psal. 118.

Utinam dirigantur viæ meæ ad custodiendas justificationes tuas. psal. 118.

Exibit homo ad opus suum, & ad operationem suam usque ad vesperum. psal. 103. *Et sic age gratias DEO, quod istud tibi permiserit.*

Qui cogitaverunt supplantare gressus meos, juxta iter scandalum posuerunt mihi. psal. 139. *Servit istud, ut sis cautus in periculis, in quæ offendis in via vel videndo, vel audiendo, &c.*

Dum, ut solet, in oculos incurrit venustas aliqua caduca, aut aliqua pompa mundana.

Tanquam fœnum velociter arefcet, & quemadmodum olera herbarum citò decident. psal. 36.

D d

Verum-

Verumtamen uniuersa vanitas omnis homo uivens.
psal. 48.

Verumtamen in imagine pertransit homo. psal. 38.

Cum interierit non sumet omnia: neque descendet
cum eo gloria ejus. psal. 48.

Homo sicut fœnum dies ejus: tanquam flos agri sic
efflorescit. psal. 102.

Defecerunt in vanitate dies eorum, & anni eorum
cum festinatione. psal. 77.

*Dum in via occurrunt illæ ineptiæ, quas tam multi
Mortales, obliuisci DEI, cum sua perniciæ sectantur.*

Filij hominum usquequo graui corde? ut quid dili-
gitis vanitatem, & queritis mendacium? psal. 4.

DEUS de cælo prospexit super filios hominum, ut
videat si est intelligens, aut requirens DEUM: Omnes de-
clinauerunt, simul inutiles facti sunt, non est qui faciat
bonum, non est usque ad unum. psal. 52.

Vana locuti sunt unusquisque ad proximum suum,
labia dolosa in corde, & corde locuti sunt. psal. 11.

Non est in ore eorum ueritas, & cor eorum uanum
est. psal. 5.

Vidi iniquitatem & contradictionem in ciuitate: die
ac nocte circumdabit eam super muros ejus iniquitas, & la-
bor in medio ejus, & iniustitia; & non defecit de plateis
ejus usura & dolus. psal. 54.

Verumtamen uani filij hominum, mendaces filij ho-
minum in stateris (scilicet in iudicio, quo de malo & bono ju-
dicant) ut decipiant ipsi de uanitate in id ipsum. Nolite spe-
rare in iniquitate, & rapinas nolite concupiscere, diuitiæ
si affluent, nolite cor apponere. psal. 61.

The

b. c.

Theſaurizat, & ignorat cui congregabit ea. pſal. 18.

Contritio, & infelicitas in viis eorum, & viam pacis non cognoverunt. pſal. 13.

Dum Templum ingrederis ad orandum.

Ego autem in multitudine miſericordiæ tuæ introibo in domum tuam; adorabo ad templum ſanctum tuum in timore tuo. pſal. 5.

Introibo in domum tuam in holocauſtis, reddam tibi vota mea, quæ diſtinxerunt labia mea. pſal. 65.


Exaudi Domine vocem deprecationis meæ, dum oro ad te: dum extollo manus meas ad templum ſanctum tuum. pſal. 27.

Sancti tui benedicent tibi, gloriam regni tui dicent, & potentiam tuam loquentur, ut notam faciant filiis hominum potentiam tuam, & gloriam magnificentiæ regni tui. pſal. 143.

Dum inuiſis ad Chriſtum in SS. Eucharistiæ Sacramento.

Quàm dilecta tabernacula tua Domine virtutum! concupiſcit, & deficit anima mea in atria Domini. Cor meum, & caro mea exultaverunt in DEUM vivum. Etenim paſſer invenit ſibi domum, & turtur nidum ſibi, ubi ponat pullos ſuos. Altaria tua Domine virtutum (*intelligitur*, nidus meus erunt.) Rex meus, & DEUS meus. Beati qui habitant in domo tua Domine, & quare? in ſecula ſeculorum laudabunt te. *Non laudabunt te ſicut*

ego, qui vix id ago per quartam horæ & breviffimam partem. pſal. 83.



D d 2

In

In Examine Conscientiæ.

Punctum I.

Gratiarum actio pro Beneficiis acceptis.

Benedic anima mea Domino, & noli oblivisci omnes retributiones ejus. psal. 102. *Noli oblivisci*, quòd te condiderit ex nihilo. *Noli oblivisci*, quòd te redemerit &c. *vocantur autem hæc beneficia retributiones, quia DEUS retribuit bonum pro malo.*

Punctum II.

Petitio Luminis.

Illumina oculos meos, ne unquam obdormiam in morte; nequando dicat inimicus meus, prævalui adversus eum. psal. 12.

Punctum III.

Discussio actionum diurnarum.

Proba me Domine, & scito cor meum, interroga me & cognosce semitas meas, & vide si via iniquitatis in me est; & deduc me in via æterna. psal. 138. *In fine hujus puncti ita te ipsum alloquere.* Nonne DEUS requireret ista? Ipse enim novit abscondita cordis. psal. 43.

Punctum IV.

Petitio Veniæ.

Propter nomen tuum Domine, propitiaberis peccato meo, multum est enim. psal. 24.

Exitus aquarum deduxerunt oculi mei, quia non custodierunt legem tuam, psal. 118.

Si ini-

Si iniquitates observaveris Domine, Domine quis sustinebit? Psal. 129.

Non intres in iudicium cum servo tuo, Domine, quia non justificabitur in conspectu tuo omnis vivens. Ps. 142.

Averte faciem tuam à peccatis meis, & omnes iniquitates meas dele. Psal. 50.

Afflictus sum, & humiliatus sum nimis; rugiebam à gemitu cordis mei. Psal. 37.

Vide humilitatem meam, & laborem meum, & dimitte universa delicta mea. Psal. 24. *Quibus verbis DEO tanquam motivum ad ignoscendum culpis nostris, & vilitatem nostram, & difficultatem quam sentimus in abstinendo à peccatis, adducimus.*

Ad sese abjiciendum in hoc quarto puncto, dum se quis tot peccatis oneratum aspicit.

Non est sanitas in carne mea à facie iræ tuæ; non est pax ossibus meis à facie peccatorum meorum: quoniam iniquitates meæ supergressæ sunt caput meum, & sicut onus grave gravatæ sunt super me. Psal. 37.

Circumdederunt me mala, quorum non est numerus, comprehenderunt me iniquitates meæ, & non potui ut viderem, multiplicatæ sunt super capillos capitis mei, & cor meum dereliquit me. Psal. 79.

Repleta est malis anima mea, & vita mea Inferno appropinquavit. Posuerunt me in lacu inferiori in tenebris, & in umbra mortis. Psal. 87.

Dixit; & venit locusta, & bruchus, cujus non erat numerus, & comedit omne fœnum in terra eorum, & comedit omnem fructum in terra eorum. Psal. 104. *Hic considerabis cor tuum ob tot defectus omni virtute vacuum.*

Turbatus est à furore oculus meus, dum me video tot peccatis oneratum, inveteravi inter omnes inimicos meos; s. e. inter hos ipsos tam multiplices defectus. Psal. 64.

Ad abjiciendum se in hoc ipso puncto, dum se videt quis tam instabilem in propositis orationis tempore conceptis.

Ego dixi in abundantia mea non movebor in æternum: Avertisti faciem tuam à me, & factus sum conturbatus. Psal. 29.

Filij Ephrem intendentes & mittentes arcum, conversi sunt in die belli. Psal. 77.

Citò fecerunt; oblitus sunt operum ejus, & non sustinuerunt consilium ejus. Psal. 105.

Ad abjiciendum se in hoc ipso puncto, dum quis se videt lapsum iterum in ea peccata, quæ jam emendaverat.

Putruerunt, & corruptæ sunt cicatrices meæ à facie insipientiæ meæ. Psal. 37.

Ne quis se efferat, cum vel nullos, vel pauculos in se defectus invenire videtur.

Delicta quis intelligit? ab occultis meis munda me, & ab alienis parce servo tuo. Psal. 18.

Punctum V.

Propositum Emendationis.

Allevat Dominus omnes, qui corruunt, & erigit omnes elisos. Psal. 141.

Et ero immaculatus cum eo, & observabo me ab iniquitate mea. Psal. 17.

Ipse

Ipse DEUS meus, & salutaris meus: susceptor meus non movebor amplius. Psal. 61.

Ut statuas non ante desistere, quam omnes animi tui perturbationes & pravas propensiones domueris.

Persequar inimicos meos, & comprehendam illos, & non convertar donec deficient. Psal. 17.

Ad agendas DEO gratias propter bona proposita, quæ in Examine nos implevisse deprehendimus.

In me sunt DEUS vota tua, quæ reddam laudationes tibi, quoniam eripuisti animam meam de morte, & pedes meos de lapsu, ut placeam coram DEO in lumine viventium. Psal. 55.

Impulsus everfus sum, ut caderem, & Dominus suscipit me. Psal. 17.

Ad petendam etiam deinceps similem constantiam, ne malo Dæmoni rem gratam faciamus.

Perfice gressus meus in semitis tuis, ut non moveantur vestigia mea. Psal. 16.

Ne tradas me Domine à desiderio meo peccatori, cogitaverunt contra me; ne derelinquas me, ne forte exalcentur. Psal. 138.

In hoc cognovi quoniam voluisti me: quoniam non gaudebit inimicus meus super me. Psal. 40.

Qui tribulant me, exultabunt, si motus fuero: ego autem in misericordia tua speravi. Psal. 12.

Non dicant in cordibus suis, euge, euge; nec dicant, devoravimus eum. Psal. 34.

Ad

*Ad offerenda DEO merita aliorum fratrum tuorum,
cum propriis destitueris.*


Particeps ego sum omnium timentium te, & custodientium mandata tua. Psal. 118.

Dum ad quietem capiendam te componis, spe satis firmâ, quòd DEUM iratum non habeas.

Convertere anima mea in requiem tuam, quia Dominus benefecit tibi: Quia eripuit animam meam de morte, oculos meos à lacrymis, pedes meos à lapsu. Ps. 114.

In pace in idipsum dormiam, & requiescam, quoniam tu Domine singulariter in spe constituisti me. Psal. 4.

Læratum est cor meum (in cogitando de DEO) exultavit lingua mea (in laudando DEO) insuper & caro mea requiescet in spe. Psal. 17.



Pars II.

Quæ complectitur alia opera universalia.

Ad agendas DEO gratias, quòd nos eripuerit è vita illa tepida ac negligente, in qua antè vixeramus.

EGO dormivi & somnum cepi, & exurrexi, quia Dominus suscepit me. Psal. 3.

Misit de summo, & accepit me, & assumpsit me de aquis multis, Psal. 17.

Dedit

Deduxit me super semitas justitiæ propter nomen suum. Psal. 22.

Exaltabo te Domine, quoniam suscepisti me, nec delectasti inimicos meos super me. Psal. 29.

Cùm ceciderim, non sum collisus, quia Dominus supposuit manum suam. Psal. 36.

Expectans expectavi Dominum, & intendit mihi, & exaudivit preces meas, & eduxit me de lacu miseriæ, & de luto fæcis; & statuit super petram pedes meos, & immisit in os meum Canticum novum, carmen DEO nostro. *Quid autem in aliis ex ejus modi exemplis sequatur, docent sequentia; Videbunt multi, & timebunt, & sperabunt in Domino.* Psal. 29.

Eripuisti animam meam de morte, & pedes meos de lapsu, ut placeam coram DEO in lumine viventium. Ps. 55.

Misit de cælo, & liberavit me, dedit in opprobrium conculcantes me. Psal. 56.

Ego sum pauper, & dolens; salus tua DEUS suscepit me. Psal. 68.

Abundavit, ut averteret iram suam, & recordatus est quia caro sunt; spiritus vadens, & non rediens. Psal. 77.

Confitebor tibi Domine DEUS in toto corde meo, & glorificabo nomen tuum in æternum, quia misericordia tua magna est super me, & eruisti animam meam ex inferno inferiori. Psal. 85.

Nisi quia Dominus adjuvit me, paulo minùs habitasset in Inferno anima mea. Psal. 92.

Quomodo misertus est Pater filiorum, misertus est Dominus timentibus se, quoniam ipse cognovit sumentum nostrum. 102.

In servum venundatus est Joseph, humiliaverunt in
E e compe-

compedibus pedes ejus, ferrum pertransiit animam ejus, donec veniret verbum ejus. Eloquium Domini inflammavit eum; misit Rex, & solvit eum; princeps populorum, & dimisit eum. Constituit eum Dominum domus suæ, & principem omnis possessionis suæ. Psal. 104. *Quod idem est ac dicere; Extraxit me à tanta pravitate, ut me constitueret Dominum & possessorem cali.* Erraverunt in solitudine, in inaquoso; viam civitatis habitaculi non invenerunt: Esurientes, & sitientes, anima eorum in ipsis defecit, & clamaverunt ad Dominum cum tribularentur, & de necessitatibus eorum eripuit eos, & deduxit eos in viam rectam, ut irent in Civitatem habitationis. Psal. 106.

Eduxit eos de tenebris & umbra mortis, & vincula eorum dirupit. Confiteantur Domino, misericordie ejus, & mirabilia ejus filiis hominum, quia contrivit portas æreas, & vectes ferreos confregit. Suscepit eos de via iniquitatis eorum; propter injustitias enim suas humiliati sunt. Misit verbum suum & sanavit eos, & eripuit eos de interitionibus suis. Psal. 102.

Dirupisti Domine vincula mea, tibi sacrificabo hostiam laudis, & nomen Domini invocabo. Psal. 115.

Nisi quia Dominus erat in nobis, dicat nunc Israel, nisi quia Dominus erat in nobis: cum exurgerent homines in nos, fortè vivos deglutissent nos: cum irasceretur furor eorum in nos, forsitam aqua absorbuisset nos. Torrentem pertransiit anima nostra: forsitam pertransisset anima nostra aquam intolerabilem, Benedictus Dominus, qui non dedit nos in captionem dentibus eorum: Anima nostra sicut passer erepra est de laqueo venantium: laqueus contritus est, & nos liberati sumus. Psal. 123.

Dextera Domini fecit virtutem, dextera Domini exaltavit

tavit me: dextera Domini fecit virtutem. Non moriar, sed vivam, & narrabo opera Domini. Castigans castigavit me Dominus, & morti non tradidit me. Aperite mihi portas justitiæ, ingressus in eas confitebor Domino: hæc porta Domini (scilicet, hæc porta justitiæ est vera porta, quæ ducit ad Dominum) justii intrabunt in eam. Confitebor tibi, quoniam exaudisti me, & factus es mihi in salutem. Psal. 117.

Vt nos excitemus ad standum bonis propositis etiam in oculis aliorum, vincendo respectus humanos.

Vota mea Domino reddam coram omni populo ejus. Psal. 115.

Vota mea Domino reddam in conspectu timentium eum. Psal. 27.

DEUS meus in te confido; non erubescam: neque irideant me inimici mei: etenim universi, qui sustinent te, non confundentur. Psal. 24.

DEUS dissipavit ossa eorum, qui hominibus placent: confusi sunt, quoniam DEUS sprevit eos. Psal. 52.

Confitebor Domino nimis in ore meo; in medio multorum laudabo eum: quia astitit à dextris pauperis, ut salvam faceret à persequentibus animam meam. Psal. 108.

Tunc non confundar, cum perspexero in omnibus mandatis tuis. Psal. 118, h. e. *Quando ad amissim exequatur planè omnia quæ jubes.*

Paratus sum, & non sum turbatus, & custodiam mandata tua. Psal. 180.

Fiat cor meum immaculatum in justificationibus tuis; ut non confundar. Psal. 118.

Accedite ad eum, & illuminamini, & facies vestræ

non confundentur. Psal. 33. h. c. *Orate, & non timebitis iudicia hominum.*

Vt obarmemur contra assultus aut apertos, aut occultos, quibus nos non semel adoriuntur negligentiores in DEI obsequio, ut nos etiam ab hoc retrahant.

Multi dicunt animæ meæ, non est salus ipsi in DEO ejus. Tu autem Domine susceptor meus es, gloria mea, & exaltans caput meum, psal. 3.

Exacuerunt ut gladium linguas suas, intenderunt arcum rem amaram, ut sagittent in occultis immaculatum. Subitò sagittabunt eum, & non timebunt: firmaverunt sibi sermonem nequam; Narrauerunt, ut absconderent laqueos; dixerunt, quis videbit eos? psal. 63.

Mihi autem adhærere DEO bonum est; ponere in Domino meo spem meam. psal. 72.

Tota die exprobrabant mihi inimici mei, & qui laudabant me, adversum me jurabant, quia cinerem tanquam panem manducabam, & potum meum cum fletu miscebam. psal. 102.

Custodi me à laqueo, quem statuerunt mihi, & à scandalis operantium iniquitatem. psal. 140.

Filij hominum, dentes eorum arma, & sagittæ: & lingua eorum gladius acutus. Laqueum paraverunt pedibus meis, & incurvaverunt animam meam; foderunt ante faciem meam foveam. psal. 65.

Posuerunt peccatores laqueum mihi, & de mandatis tuis non erravi. psal. 118.

Eripe me Domine ab homine malo, à viro iniquo eripe me. Qui cogitaverunt iniquitates in corde, tota die consti-

constituebant prælia. Acuerunt linguas suas sicut serpentis, venenum aspidum sub labiis eorum. Custodi me Domine de manu peccatoris, & ab hominibus iniquis eripe me. Qui cogitaverunt supplantare gressus meos, absconderunt superbi laqueum mihi, & funes extenderunt in laqueum: juxta iter scandalum posuerunt mihi. Dixi Domino, DEUS meus es tu. Ne tradas me Domine à desiderio meo peccatori: cogitaverunt contra me, ne derelinquas me, ne fortè exaltentur. psal. 139.

In via hac, qua ambulabam, absconderunt laqueum mihi, clamavi ad te Domine, dixi: tu es spes mea, portio mea in terra viventium. Libera me à persecquentibus me, quia confortati sunt super me. psal. 141.

Multi, qui persequuntur me, & tribulant me; à testimoniis tuis non declinavi. psal. 118.

Respondebo exprobrantibus mihi verbum; quia speravi in sermonibus tuis. psal. 118. *Quando mihi aliquis dicet, quòd non sim perseveraturus; quòd valetudo sit destruenda.*

A resistentibus dexteræ tuæ custodi me, ut pupillam oculi. psal. 15. *Resistunt DEI dextera illi, qui nos advocare laborant à semita, per quam DEUS nos vult ducere.*

Ab insurgentibus in me exaltabis me; à viro iniquo eripies me. psal. 17.

Ut animos nobis addamus ad ferendas constanter irrisiones, quas fortè pati necesse sit à Sociis in via virtutis.

Omnes videntes me, deriserunt me, locuti sunt labiis, & moverunt caput. Speravit in Domino, eripiat eum, salvum faciat eum, quoniam vult eum. In te projectus sum ex utero: de ventre matris meæ, DEUS meus es tu, ne discefferis à me. psal. 21.

Qui videbant me, foras fugerunt à me: oblivioni datus sum tanquam mortuus à corde, factus sum tanquam vas perditum, quoniam audivi vituperationem multorum commorantium in circuitu. psal. 30.

Posuisti nos in contradictionem vicinis nostris, & inimici nostri subsannaverunt nos. psal. 79.

Considerat peccator justum, & quærit mortificare eum. Dominus autem non derelinquet eum in manibus ejus, nec damnabit eum, cum judicabitur illi. psal. 36.

Qui retribuunt mala pro bonis detrahebant mihi, quoniam sequebar bonitatem. Ne derelinquas me Domine DEUS meus, ne discesseris à me. psal. 37. *Quasi diceret: Tu Domine ne derelinquas me; & hoc mihi sufficit.*

Tota die verecundia mea contra me est, & confusio faciei meæ cooperuit me à voce exprobrantis, & obloquentis, à facie inimici & persequentis. Hæc omnia venerunt super nos, nec obliti sumus te, & iniquè non egimus in testamento tuo, & non recessit retro cor nostrum. psal. 53.

Tu scis improprium meum, & confusionem meam, & reverentiam meam. psal. 68.

Facti sumus opprobrium vicinis nostris, subsannatio, & illusio his, qui in circuitu nostro sunt: nos autem confitebimur tibi in seculum. psal. 78.

Longè fecisti notos meos à me, posuerunt me abominationem sibi. psal. 87.

Maledicent illi, & tu benedices. psal. 108.

Sederunt Principes, & adversum meloquebantur, sedivus autem tuus exercebatur in tuis justificationibus. ps. 118.

Pro eo ut me diligenter detrahebant mihi, ego autem orabam. psal. 108.

Ad revocandam interdium in memoriam DEI presentiam, tantopere necessariam ad vitanda constantiter peccata.

Oculi mei semper ad Dominum, quoniam ipse evellet de laqueo pedes meos. Psal. 24.

Anima mea in manibus meis semper (ut offeram illam DEO, quando ipsi placuerit trahere eam ad se illustratione quadam internâ) & legem tuam non sum oblitus. Psal. 118.

Servavi mandata tua, & testimonia tua, quia omnes viæ meæ in conspectu tuo. Psal. 118.

Sicut oculi servorum in manibus Dominorum suorum, & sicut oculi ancillæ in manibus Dominæ suæ, ita oculi nostri ad Dominum DEUM nostrum. Psal. 122.

Quo ibo à spiritu tuo, & quò à facie tua fugiam? si ascendero in cælum, tu illic es; si descendero in infernum, ades; si sumpsero pennas meas diluculo, & habitavero in extremis maris, etenim illuc manus tua deducet me, & tenebit me dextera tua. Et dixi: forsitan tenebræ conculcabunt me, & nox illuminatio mea in deliciis meis, quia tenebræ non obscurabuntur à te, & nox sicut dies illuminabitur. Sicut tenebræ ejus, ita & lumen ejus. Ps. 133.

Domine deduc me in justitia tua propter inimicos meos: dirige in conspectu tuo viam meam, *Hebraus legit: propter insidiatores meos*, Psal. 5.

Neque habitabit juxta te malignus, neque permanent iniqui ante oculos tuos. Psal. 5.

Non est DEUS in conspectu ejus (*hinc quid sequitur*) inquinata sunt viæ illius in omni tempore. Psal. 9.

Providebam Dominum in conspectu meo semper, quoniam à dextris est mihi, ne commovear. Psal. 15.

Erunt

Erunt ut complacent eloquia oris mei, & meditatio cordis mei in conspectu tuo semper. Psal. 18.

Ad te Domine, Domine, oculi mei; in te speravi, non auferas animam meam; custodi me à laqueo, quem statuerunt mihi, & à scandalis operantium iniquitatem. Psal. 140.

Contritio, & infelicitas in viis eorum, & viam pacis non cognoverunt: & quâ de causâ? Non est timor DEI ante oculos eorum. Psal. 13.

Ignis in conspectu ejus exardescet. Psal. 49. *Nimirum Amor DEI.* DEUS cum egredereris in conspectu populi tui, cum pertransires in deserto, terra mota est: etenim cæli distillaverunt à facie DEI Sinai, à facie DEI Israël. Psal. 67.

Qui dominatur in virtute sua in æternum, oculi ejus super gentes respiciunt. Psal. 65.

Et dixerunt, non videbit Dominus, nec intelliget DEUS Jacob. Intelligite insipientes in populo, & stulti aliquando sapite. Qui plantavit aurem non audiet? aut qui finxit oculum non considerat? Psal. 93.

Posuisti iniquitates nostras in conspectu tuo. Ps. 89.

In sole posuit tabernaculum suum, & ipse tanquam sponsus procedens de thalamo suo, exultavit ut gigas ad currendam viam. A summo cælo egressio ejus, & occurus ejus usque ad summum ejus, nec est qui se abscondat à calore ejus. Psal. 18. *Atque ita imaginare tibi, quòd DEUS ex Solis globo intentos semper in te oculos habeat, & quòd inde tot in te obtutus figat, quot radios emittit.*

Domine in lumine vultus tui ambulabunt: qui autem ejus rei fructus erunt? duo maximè. Et in nomine tuo exultabunt tota die. *Latitia scilicet bone conscientie: & in*
justicia

justitia tua exaltabuntur: & major in virtute progressus.
Pfal. 88.

Ad opem in tentationibus flagitandam.

Erue à frætea DEUS animam meam, & de manu canis unicam meam. Pfal. 21.

Salva me ex ore leonis, & à cornibus unicornium humilitatem meam. Pfal. 21.

Custodi animam meam, & erue me. Pfal. 24.

Adjutor meus esto ne derelinquas me, neque despi-
cias me DEUS salutaris meus. Pfal. 26.

Exultatio mea, erue me à circumdantibus me. Pf. 31.

Exurgat DEUS, & dissipentur inimici ejus, & fugi-
ant qui oderunt eum à facie ejus. Pfal. 67.

Complaceat tibi Domine, ut eruas me, Domine ad
adjuvandum me respice. Confundantur & vereantur si-
mul, qui quærent animam meam, ut auferant eam; con-
vertantur retrorsum, & vereantur, qui volunt mihi ma-
la. Pfal. 39.

Adjutor meus, & protector meus tu es Domine, ne
tardaveris. Pfal. 39.

Exurge Domine adjuva nos, & redime nos propter
nomen tuum. Pfal. 43.

Adjutor meus, & liberator meus es tu Domine ne
moreris. Pfal. 69.

Esto mihi in DEUM protectorem, & in locum mu-
nitum, ut salvum me facias. Pfal. 70.

Qui custodiebant animam meam, consilium fecerunt
in unum, dicentes: DEUS dereliquit eum, persequimini
& comprehendite eum; quia non est qui eripiat. DEUS

F f

ne elon-

ne elongeris à me; DEUS meus in auxilium meum respice. Psal. 70.

Excita potentiam tuam, & veni, ut salvos facias nos. Psal. 79.

Domine DEUS meus in te speravi, salvum me fac ex omnibus persequentibus me, & libera me; ne quando rapiat ut leo animam meam, dum non est qui redimat, neque qui salvum faciat. Psal. 7.

Intende ad deprecationem meam, quia humiliatus sum nimis; libera me à persequentibus me, quia confortati sunt super me. Psal. 142.

Eripe me de manu inimicorum meorum, & à persequentibus me. Psal. 30.

Apprehende arma & scutum, & exurge in adjutorium mihi; effunde frameam & conclude adversus eos, qui persequuntur me: dic animæ meæ, Salus tua ego sum. Confundantur & reveantur (ut proprium est eorum qui victi sunt) quærentes animam meam; avertantur retrorsum, & confundantur cogitantes mihi mala. Psal. 34.

Dissipata sunt ossa nostra secus infernum (propter vim tentationum) quia ad te Domine, Domine, oculi mei in te speravi non auferas animam meam. Custodi me à laqueo, quem statuerunt mihi, & à scandalis operantium iniquitatem. Psal. 140.

Contra tentationes circa Fidem.

Testimonia tua credibilia facta sunt nimis. Psal. 118.

Quoniam non cognovi literaturam, introibo in potentias Domini. Psal. 18.

Fidelis Dominus in omnibus verbis suis, & sanctus in omnibus operibus suis. Psal. 144.

Sicut

Sicut audivimus, sic vidimus in Civitate Domini virtutum, in civitate DEI nostri. Psal. 47. *Quorum verborum hic sensus est.* Sicut audivimus in civitate Domini virtutum, h. e. *In Ecclesia militante, sic vidimus in civitate DEI nostri, nimirum in Ecclesia triumphante, & sunt voces Beatorum in calo.* Ejusmodi autem transpositio frequens est apud Hebræos. *Sic in Canticis Nigra sum, sed formosa, sicut Tabernacula Cedar, sicut pelles Salomonis hoc est, nigra sum sicut Tabernacula Cedar, sed formosa sicut pelles Salomonis.*

Qui descendunt mare in navibus, facientes operationem in aquis multis, ipsi viderunt opera Domini, & mirabilia ejus in profundo. Psal. 106. *Quod est perinde ac dicere, quòd circa ea, ad quæ mentis meæ obtutus non pertingit, attestationem habeo Sanctorum præcellentis doctrinæ.*

Magnus Dominus, & magna virtus ejus, & sapientiæ ejus non est numerus. Psal. 146.

Quàm magnificata sunt opera tua Domine? nimis profundæ factæ sunt cogitationes tuæ. Psal. 91.

DEUS in sancto via tua. Quis DEUS magnus, sicut DEUS noster? tu es DEUS, qui facis mirabilia. Psal. 76. *Sanctitas Legis & potestas Legislatoris, sunt duo argumenta credibilitatis, omnibus fortassis aliis efficaciora.*

Non est similis tui in Diis Domine, & non est secundum opera tuâ. Omnes Gentes, quascunque fecisti, venient & adorabunt coram te Domine, & glorificabunt nomen tuum, quoniam magnus es tu, & faciens mirabilia, tu es DEUS solus. Psal. 85.

Contra tentationes circa Prædestinationem.

Ira in indignatione ejus, & vita in voluntate ejus. Psal. 29.

Atque ita quod DEUS mihi vult dare, vita est.

In eo dum convenirent simul adversum me (*mali Demones intelliguntur*) accipere animam meam consiliati sunt. Ego autem in te speravi Domine; dixi DEUS meus es tu; in manibus tuis sortes meæ. Psal. 30.

Benedictus Dominus, quoniam mirificavit misericordiam suam mihi in Civitate munita. Ego autem dixi in excessu mentis meæ: projectus sum à facie oculorum tuorum. Psal. 30 *Tunc dixi me esse reprobatum, quando vis timoris propè phreneticum me reddiderat.*

Homines, & jumenta salvabis Domine, quemadmodum multiplicasti misericordiam tuam DEUS. Psal. 35. *Igitur & mihi spei aliquid superest, et se jumentum magis, quam hominis vitam ducam.*

Duo hæc audivi, quia potestas DEI est, & tibi Domine misericordia; quia tu reddes unicuique juxta opera tua. Psal. 61.

Quoniam non cognovi literaturam, introibo in potentias Domini; Domine memorabor justitiæ tuæ solius. Psal. 70. *Si enim DEUS justus est, nemini potest facere injuriam.*

Existimabam, ut cognoscerem hoc: labor est ante me donec intrem in sanctuarium DEI. Psal. 72.

Ut jumentum factus sum apud te, & ego semper tecum. Psal. 72. *Ad confidendum DEO in eo, quod non intelligimus.*

Quis novit potestatem iræ tuæ? Psal. 89.

Æquitas testimonia tua in æternum; intellectum da mihi & vivam. Psal. 118.

Justus est Dominus in omnibus viis suis, & sanctus in omnibus operibus suis. Psal. 144.

Non

Non privabit bonis eos, qui ambulant in innocentia :
Domine virtutum, beatus homo, qui sperat in te. Psal. 83.
*Idcirco ambulemus coram Domino in puritate, & aliud non
queramus.*

Misericordiam & veritatem diligit DEUS, gratiam
& gloriam dabit Dominus. Psal. 83.

Expecta Dominum, & custodi viam ejus, & exalta-
bit te, ut hæreditate capias terram; cum perierint pecca-
tores videbis. Psal. 36.

Rectus Dominus DEUS noster, & non est iniquitas
in eo. Psal. 91.

Ego autem in Domino speravi: exultabo & lætabor
in misericordia tua. Psal. 30.

Contra tentationes Iracundia.

Miserere mei Domine, quoniam tribulor : contur-
batus est in ira oculus meus, anima mea, & venter meus.
Psal. 30.

Desine ab ira & derelinque furorem: noli æmulari
ut maligneris, quoniam qui malignantur, exterminabun-
tur, sustinentes autem Dominum, ipsi hæreditabunt ter-
ram. Psal. 36.

Suscipiens mansuetos Dominus, humilians autem pec-
catores (*i. e. superbos*) usque ad terram. Psal. 146.

Manfueti hæreditabunt terram, & delectabuntur in
multitudine pacis. Psal. 56.

Exaltabit mansuetos in salutem. Psal. 149.

Contra tentationes Vanæ Gloriæ.

Non veniat mihi pes superbiæ, & manus peccatoris
non moveat me. Psal. 35.

F f 3

Non

Non nobis Domine, non nobis, sed nomini tuo da gloriam. psal. 113.

Confige timore tuo carnes meas, à judiciis enim tuis timui. psal. 118.

Si extolleris propter virtutem, considera judicia divina.

Opprobrium abundantibus, & despectio superbis. psal. 122.

Veritatem requireret Dominus, & retribuet abundanter facientibus superbiam. psal. 30.

Non habitabit in medio domus meæ, qui facit superbiam. psal. 110. *Ita me DEUS alloquitur.*

Populum humilem salvum facies, & oculos superbiorum humiliabis. psal. 17.

Superbi iniquè agebant usquequaque. psal. 118.

Confiteamur nomini sancto tuo, & gloriemur in laude tua. psal. 105.

Fortitudo & laus mea Dominus. psal. 117.

Gloria virtutis eorum tu es, & in beneplacito tuo exaltabitur cornu nostrum. psal. 88.

Gloriabuntur in te omnes, qui diligunt nomen tuum, quoniam tu benedices justo. psal. 5.

Tibi sacrificabo hostiam laudis. psal. 115. *Illam scilicet laudem, quam vellem tribuere mihi, sacrificabo tibi, & non me laudabo.*

Disperdat Dominus universa labia dolosa, & linguam magniloquam; qui dixerunt; linguam nostram magnificabimus, labia nostra à nobis sunt, quis noster Dominus est? psal. 11.

Custodiens parvulos Dominus; humiliatus sum, & liberavit me. psal. 14.

Corripiet me justus in misericordia & increpabit me

(hoc est)

(hoc est, quod desiderare debes: amicum bonum, qui veritatem tibi sine furo manifestet, & defectus tuos) oleum autem peccatoris non impinguet caput meum: neminem autem querere debes, qui tibi aduletur. psal. 40.

Afferte Domino gloriam & honorem, afferte Domino gloriam nomini ejus. psal. 91.

Domine DEUS meus in æternum confitebor tibi h. e. laudabo te. psal. 29.

Repleatur os meum laude, ut cantem gloriam tuam, tota die magnitudinem tuam. psal. 70.

Date gloriam DEO super Israël; i. e. super omnia beneficia collata Israël, psal. 67.

Gloriemur in laude tua. psal. 105.

Confitebor tibi Domine in toto corde meo, & glorificabo nomen tuum in æternum. psal. 85.

Semper laus tua in ore meo. psal. 33.

Omnis spiritus laudet Dominum. psal. 105.

Contra tentationes Carnis.

Tota die contristatus ingrediebar, quoniam lumbi mei impleti sunt illusionibus, & non est sanitas in carne mea. psal. 37.

Insper & usque ad noctem increpuerunt me renes mei. psal. 15.

Inflammatum est cor meum, & renes mei commutati sunt, & ego ad nihilum redactus sum, & nescivi. psal. 72.

In DEO speravi, non timebo quid faciat mihi caro. psal. 15.

Eripe me de luto ut non infigar. psal. 68.

Confige timore tuo carnes meas, à judiciis enim tuis timui. psal. 18.

Rectè

*Rectè additur, à judiciis &c. Si attendantur frequen-
tes lapsus carnis, quibus, occulto DEI judicio, labi permissi
sunt homines Sancti, Victorinus, Jacobus &c. Et ante hos i-
pse adeò David.*

Homo cum in honore esset, non intellexit, compa-
ratus est jumentis insipientibus, & similis factus est illis.
psal. 48.

*Contra tentationes Pusillanimitatis & Diffidentia
in vita spirituali.*

A dextris est mihi ne commovear: propter hoc læta-
tum est cor meum, & exultavit lingua mea; insuper & ca-
ro mea requiescet in spe. psal. 15.

In te eripiar à tentatione, & in DEO meo transgre-
diar murum. psal. 17.

Et si ambulavero in medio umbræ mortis, non time-
bo mala, quoniam tu mecum es. psal. 22.

Misericordia tua subsequetur me omnibus diebus vi-
tæ meæ, ut inhabitem in domo Domini in longitudinem
dierum. psal. 22.

Firmamentum est Dominus timentibus eum. ps. 24.

In Domino sperans non infirmabor. psal. 25.

Dominus illuminatio mea & salus meâ, quem time-
bo? psal. 26.

Dominus virtutem populo suo dabit. psal. 28.

Fortitudo mea, & refugium meus es tu, & propter
nomen tuum deduces me, & enutries me. psal. 30.

Filij autem hominum in tegmine alarum tuarum spe-
rabunt. psal. 35.

Nec enim in gladio suo possederunt terram (Sancti
scilicet non suis viribus caelestem gloriam consecuti sunt) &
brachi-

brachium eorum non salvavit eos: sed dextera tua, & brachium tuum, & illuminatio vultus tui, quoniam complacuisti in eis. Tu es ipse Rex meus, & DEUS meus (*tu non minùs meus, quàm ipsorum DEUS es: hinc quid sequitur?*) In te inimicos nostros ventilabimus cornu, & in nomine tuo spernemus insurgentes in nobis. Non enim in arcu meo sperabo, & gladius meus non salvabit me. Psal. 43.

In DEO faciemus virtutem, & ipse ad nihilum deducet tribulantes nos. Psal. 59.

Ipsè DEUS meus, & salutaris meus, & susceptor meus, non movebor amplius. Psal. 61.

Ego autem semper sperabo, & adjiciam super omnem laudem tuam. Psal. 70.

Montes excelsi cervis, petra refugium herinaciis, Psal. 103. *Hoc est abjicere sese dicendo, quòd nos parati simus facere id tantillum quod possumus, majora aliis permittendo.*

Quis deducet me in civitatem munitam, quis deducet me usque in Idumeam? (*inter inimicos scilicet, quos oportet debellare*) nòne tu DEUS, qui repulisti nos, & non egredieris DEUS in virtutibus nostris? (*tu nimirum DEUS noster, qui non nostris viribus, sed tuo robore vis operari.*) Da nobis auxilium de tribulatione, quia vana salus hominis. In DEO faciemus virtutem, & ipse ad nihilum deducet tribulantes nos. Psal. 59.

Dominus virtutum (*DEUS potentissimus*) nobiscum, susceptor noster DEUS Jacob (*idem ipse DEUS, qui tanta benignitate adstitit Jacobo, peregrino, exuli, persecutiones passò &c.*) Psal. 45.

Verumtamen DEO subjecta esto anima mea, quoniam ab ipso patientia mea, quia ipse DEUS meus, & Salvator meus, adjutor meus, non emigrabo (*non transibo è castris*

& à vexillo Christi ad vexillum Inimici.) In DEO salutare meum, & gloria mea, DEUS auxiliij mei, & spes mea in DEO est. Psal. 61.

Alieni insurrexerunt adversum me, & fortes quæsi-
runt animam meam (*tales sunt mali Dæmones, qui me im-*
pugnant) & non proposuerunt DEUM ante conspectum
suum (*non voluerunt advertere, quod DEUS mecum sit*) ecce
enim DEUS adjuvat me, & Dominus susceptor est animæ
meæ. Psal. 53.

Mirabilis DEUS in Sanctis suis, DEUS Israel: ipse
dabit virtutem, & fortitudinem plebi suæ; Benedictus
DEUS. Psal. 67. *Mirabilia quæ DEUS operatus est in San-*
ctis suis semper animos nobis addere debent, etiamsi nos ipsos
cognoscamus ineptissimos ut tales etiam nos evadamus.

Tu es Domine spes mea. Psal. 90.

Domine non confundar, quoniam invocavi te. Ps. 30.

Si consistant adversum me castra, non timebit cor
meum; si exurgat adversum me prælitum, in hoc ego spera-
bo. Psal. 26.

DEUS meus adjutor meus, & sperabo in eum. Ps. 17.

In te Domine speravi, non confundar in æternum.
Psal. 30.

Domine virtutum: beatus homo qui sperat in te,
Psal. 83.

Lætentur omnes, qui sperant in te: in æternum exul-
tabunt & habitabis in eis. Psal. 5.

Sperent in te, qui noverunt nomen tuum, quoniam
non dereliquisti quærennes te Domine. Psal. 9.

Qui tribulant me, exultabunt si motus fuero: ego
autem in misericordia tua speravi. Psal. 12.

Salvos facis sperantes in te. Psal. 16.

Prote-

Protector est omnium sperantium in se. Psal. 17.

In te speraverunt Patres nostri, speraverunt & liberasti eos. Psal. 21. *Non satis est incipere sperare, oportet perseverare.*

Sperantem in Domino misericordia circumdabit. Psal. 31.

Gustate & videte quoniam suavis est Dominus: beatus vir, qui sperat in eo. psal. 33.

Ut DEO in memoriam revocemus promissiones nobis factas (quando nos vocavit initio conversionis) adjuvandi nos ad perseverandum.

Deduxisti nos, quia factus es spes mea: Turris fortitudinis à facie inimici. psal. 60.

Ne projicias me in tempore senectutis; cum defecerit virtus mea, ne derelinquas me. psal. 70.

Fiat manus tua super virum dexteræ tuæ, & super filium hominis, quem confirmasti tibi, & non discedimus à te. psal. 69.

Ubi sunt misericordiæ tuæ antiquæ Domine, sicut iurasti David in veritate tua. psal. 88.

Memor esto verbi tui servo tuo, in quo mihi spem dedisti; hæc me consolata est in humilitate mea. psal. 118.

Fiat misericordia tua, ut consoletur me; secundum eloquium tuum servo tuo. psal. 118.

Suscipe me secundum eloquium tuum, & vivam, & non confundas me ab expectatione mea. psal. 118.

Ut se quis soletur, cum magis perficienda paupertatis studio, multarum se rerum indigum viderit.

Tu es qui restitues hæreditatem meam mihi. psal. 15.

G g 2

Ego

Ego autem mendicus sum, & pauper; Dominus sollicitus est mei. psal. 39.

Dominus regit me, & nihil mihi deerit: in loco pascuæ ibi me collocavit. psal. 22.

Jacta super Dominum curam tuam, & ipse te enutriet. psal. 54.

Inclina Domine autem tuam, & exaudi me, quia inops & pauper sum ego. psal. 85.

In via testimoniorum tuorum delectatus sum, sicut in omnibus divitiis. psal. 118.

Factus est Dominus refugium pauperi, adjutor in oportunitatibus in tribulatione. psal. 9.

Oculi ejus in pauperem respiciunt. psal. 9.

Tibi derelictus est pauper, orphano tu eris adjutor. psal. 9.

Propter miseriam inopum, & gemitum pauperum nunc exurgam dicit Dominus, ponam in salutari (*r. e. stabilitatem eos in salute*) fiducialiter agam in eo. psal. 111.

Bonum mihi lex oris tui super millia auri & argenti. psal. 118.

Respice in me, & miserere mei; quia unicus & pauper sum ego. psal. 24.

Iste pauper clamavit (*ego ipse nimirum, aliis occasionibus*) & Dominus exaudivit eum, & de omnibus tribulationibus ejus salvavit eum. psal. 33.

Parasti in dulcedine tua pauperi DEUS. psal. 67.

Ego autem sum pauper & dolens; salus tua suscepit me. psal. 68.

Lætabor ego super eloquia tua, sicut qui invenit spolia multa. psal. 118.

Ego verò egenus & pauper sum, DEUS adjuva me.
Pfal. 69.

Parcet pauperi & inopi, & animas pauperum salvas
faciet. Pfal. 71.

Ne avertatur humilis factus confusus: pauper & inops
laudabunt nomen tuum. Pfal. 73.

Pater meus, & mater mea dereliquerunt me: Do-
minus autem assumpsit me. Pfal. 26.

Divites eguerunt & esurierunt (*nec enim unquam con-
tenti sunt iis quæ habent*) inquirentes autem Dominum non
minuentur omni bono. (*Quia soli habent, quantum ipsi
sufficit.*) Pfal. 33.

*Ad addendos nobis animos, ne excusemus nos, cum
corrigimur; aut ne pungamus vicissim, cum verbis
pungimur.*

Non declines cor meum in verba malitiæ, ad excu-
sandas excusationes in peccatis. Pfal. 140.

Ego autem tanquam surdus non audiebam, & sicut
mutus non aperiens os suum, & factus sum sicut homo
non audiens, & non habens in ore suo redargutiones, quo-
niam in te speravi. Pfal. 73.

Posui ori meo custodiam, cum confisteret peccator ad-
versum me. Pfal. 38.

Memor esto opprobrij servi tui (quod continui in sinu
meo) multarum gentium. Pfal. 88.

*Vi excitemus nos, ad relinquendam Superiori nostri
curam, postquam necessitatem illi nostram pro-
posuimus.*

Revela Domino viam tuam, & spera in eo, & ipse
faciet

faciet. Psal. 36. *Rectè dicitur, Domino, Superior enim DEI vice fungitur.*

Vt excitemur ad obediendum alacriter etiam in rebus arduis & molestis.

Sacrificium & oblationem noluiti, aures autem perfecisti mihi: holocaustum, & pro peccato non postulasti: Tunc dixi, ecce venio. In capite libri scriptum est de me, ut facerem voluntatem tuam, DEUS meus volui, & legem tuam in medio cordis mei. Psal. 28. *Quod est perinde ac dicere: Tu DEUS, pro peccatis meis poteris me severe punire, & magnum aliquod à me Sacrificium exigere: & tu loco horum contentus es ut obediam; ideo libenter ac promptè &c.*

Ut jumentum factus sum apud te, & ego semper tecum. *Quid hinc sequitur? Tenuisti manum dexteram meam, & in voluntate tua deduxisti me, & cum gloria suscepisti me.* Psal. 72.

Reges eos in virga ferrea, & tanquam vas figuli confringes eos. Psal. 39. *(Et idcirco non existimes te profecisse in obedientia, donec te ponas in manu DEI, ut simili modo tracteris.)* Non audivit populus meus vocem meam, & Israel non intendit mihi: & dimisi eos secundum desideria cordis eorum: ibunt in adinventionibus suis. Pl. 80.

Ad addendos sibi animos, ubi quid genio valdè repugnans ferre, aut subire oportuerit.

Bonum mihi, quia humiliasti me, ut discam justificationes tuas. Psal. 118.

Cognovi Domine, quia æquitas iudicia tua, & in veritate tua humiliasti me. Psal. 118.

Humilia-

Humiliatus sum usquequaque Domine, vivifica me secundum verbum tuum. Psal. 118.

Vide humilitatem meam, & laborem meum, & dimitte universa delicta mea. Psal. 24.

Justus es Domine, & rectum iudicium tuum. Ps. 118.

Miserere nostri Domine, miserere nostri, quia multum repleti sumus despectione. Psal. 112.

Tota die verecundia mea contra me est; & confusio faciei meae cooperuit me. Psal. 43.

Propter te mortificamur tota die, æstimati sumus sicut oves occisionis. Psal. 43.

Humiliata est in pulvere anima nostra, conglutinator est in terra venter noster: exurge Domine adjuva nos, & redime nos propter nomen tuum. Psal. 43.

Propter te sustinui opprobrium; operuit confusio faciem meam. Psal. 68.

Tu scis improprium meum, & confusionem meam, & reverentiam meam. Psal. 68.

Improprium expectavit cor meum, & miseriam. Psal. 86.

Afflictus sum, & humiliatus sum nimis; rugiebam à gemitu cordis mei. Psal. 37.

Hunc humiliat, & hunc exultat, quia calix in manu Domini vini meri plenus mixto; & inclinavit ex hoc in hoc. Verumtamen fæx eius non est exinanita, bibent omnes peccatores terræ. Psal. 74.

De torrente in via bibet, propterea exaltabit caput. Psal. 109.

Priusquam humiliarer ego deliqui, Psal. 118. *Et hinc merito delictum subsequuta est pœna.*

Imple

Imple facies eorum ignominia & quærent nomen tuum Domine. psal. 82.

Intende ad deprecationem meam, quia humiliatus sum nimis. psal. 141.

Ad obfirmandum animum contra gloriam humanam.

Beatus vir, cujus est nomen Domini spes ejus, & non respexit in vanitates & insanias falsas. psal. 39. *Nec obituro quidem eas dignatus est.*

Iniquitatem si aspexi in corde meo, non exaudiet Dominus. psal. 67.

Averte oculos meos, ne videant vanitatem, in via tua vivifica me. psal. 118.

Beatum dixerunt populum, cui hæc sunt (*vanitates scilicet ista: sed hoc falsum est.*) Beatus populus, cujus Dominus DEUS ejus. psal. 43.

Vidi impium superexaltatum, & elevatum sicut cedros Libani, & transivi, & ecce non erat: quæsi eum, & non est inventus locus ejus. psal. 36.

Periit memoria eorum cum sonitu, & Dominus in æternum permanet. psal. 9.

Velut somnium surgentium Domine in civitate tua, imaginem ipsorum ad nihilum rediges. psal. 72.

Qui habitat in cælis irridebit eos, & Dominus subfannabit eos. psal. 2.

Ne timueris, cum dives factus fuerit homo, & cum multiplicata fuerit gloria domus ejus; quoniam cum interierit non sumet omnia, neque descendet cum eo gloria ejus. psal. 48.

Dormierunt somnum suum, & nihil invenerunt omnes viri divitiarum in manibus suis. psal. 75.

Melius

Melius est modicum iusto super divitias peccatorum multas. psal. 36.

Ad obfirmandum animum contra timorem mortis.

Ecce mensurabiles posuisti dies meos, & substantia mea tanquam nihilum ante te: & nunc quæ est expectatio mea? nonne Dominus? & substantia mea apud te est. psal. 38.

Nunquid qui dormit non adjiciet, ut resurgat? psal. 40.

Verumtamen DEUS redimet animam meam de manu inferi, cum acceperit me. psal. 48.

Ad te omnis caro veniet. psal. 64.

Quis est homo, qui vivet, & non videbit mortem, eruet animam suam de manu inferi? psal. 88.

Sol cognovit occasum suum. psal. 103. i. e. *ipse adeò Christus mortuus est.*

Educ de custodia animam meam: me expectant iusti, donec retribuas mihi. psal. 141.

Lætatus sum in his, quæ dicta sunt mihi, in domum Domini ibimus psal. 122.

Cum dederit dilectis suis somnum, ecce hæreditas Domini. psal. 126.

Beatus vir qui implevit desiderium suum ex ipsis, non confundetur, cum loquetur inimicis suis in porta. ps. 126.

Lætatum est cor meum, & exultavit lingua mea, in super & caro mea requiescet in spe, quoniam non derelinques animam meam in inferno. psal. 15.

H h

Ad

Ad petendam à DEO sanctam in religioso DEI famulatu Perseverantiam.

Unam petij à Domino, hanc requiram, ut inhabitem in domo Domini omnibus diebus vitæ meæ. psal. 26.

Quia melior est dies una in atriis tuis super millia; elegi abjectus esse in domo DEI mei, magis quam habitare in tabernaculis peccatorum. psal. 83.

Misericordia tua subsequetur me omnibus diebus vitæ meæ, ut inhabitem in domo Domini in longitudinem dierum. psal. 22.

Ad petendum à DEO spatium Pœnitentiæ ante mortem.

Remitte mihi ut refrigerer priusquam abeam, & amplius non ero. psal. 38.

Non mortui laudabunt te Domine, neque omnes, qui descendunt in infernum; sed nos qui vivimus, benedicimus Domino ex hoc nunc & usque in seculum. psal. 113.

Ad te Domine clamabo, & ad DEUM meum deprecabor; quæ utilitas in sanguine meo, dum descendo in corruptionem? nunquid confitebitur tibi pulvis, aut annuntiabit veritatem tuam? psal. 29.

Convertentur ad vesperam, & famem patientur ut canes. psal. 58. *Tunc enim mensa divina misericordiæ non est amplius parata.*

Ad petendam à DEO liberationem ab Inferno.

Ne perdas cum Impiis DEUS animam meam, & cum viris sanguinum vitam meam. psal. 25.

Ne tradas bestiis animas confitentes tibi, & animas pauperum tuorum ne obliviscaris in finem. psal. 83.

Domine,

Domine, ne in furore tua arguas me, sed in ira tua corripas me. psal. 6. *David pro sed, dicit neque, & per furorem intelligit Infernum, per iram Purgatorium, ut S. Augustinus explicat, tibi fortassis sufficere dicere sed.*

Si dereliquero filius tuus legem tuam, & in judiciis tuis non ambulavero; si justitias tuas profanavero, & mandata tua non custodiero; visita in virga iniquitates meas, & in verberibus peccata mea; misericordiam autem tuam non dispergas à me. psal. 88.

Ad petendam à DEO aternam Beatitudinem meritis Sanctissima Virginis.

Respice in me, & miserere mei: da imperium tuum puero tuo, & salvum fac filium ancillæ tuæ. psal. 83.

O Domine quia ego servus tuus; ego servus tuus, & filius ancillæ tuæ. psal. 115.

Ad petendam à DEO opem contra Persecutores Religionis.

Ne taceas, neque compescaris DEUS, quoniam ecce inimici tui sonuerunt, & qui oderunt te, extulerunt caput; super populum tuum malignaverunt consilium, & cogitaverunt adversus Sanctos tuos: dixerunt, venite, & disperdamus eos de gente, & non memoretur nomen Israël ultra. DEUS meus pone illos ut rotam, & sicut stipulam ante faciem venti. psal. 82.

Usquequò peccatores Domine, usquequò peccatores gloriabuntur? effabuntur, & loquentur iniquitatem, loquentur omnes qui operantur injustitiam? Populum tuum Domine humiliaverunt, & hæreditatem tuam vexaverunt. psal. 93.

DEUS virtutum convertere, respice de caelo, & vide, & visita vineam istam: exterminavit eam aper de silva, & singularis ferus depastus est eam. Psal. 79.

Ad commendandam DEO salutem alicujus agri.

Dominus opem ferat illi super lectum doloris ejus. Psal. 40.

Aut Conversionem Peccatorum.

Deficiant peccatores à terra, & iniqui ita ut non sint. Psal. 103.

In camo, & freno maxillas eorum constringe, qui non approximant ad te. Psal. 31.

Ne avertas hominem in humilitatem; & dixisti; Convertimini filij hominum. Psal. 89. *i. e. quia dixisti.*

Vt paucis iterum petamus à DEO gratias ante hac petitas.

Domine ante te desiderium meum, & gemitus meus à te non est absconditus. Psal. 37.

Ad gratias DEO agendas pro accepta aliqua gratia.

Non sprevit, neque despexit deprecationem pauperis, nec avertit faciem suam à me; & cum clamarem ad eum exaudivit me. Psal. 21.

Benedictus Dominus quoniam exaudivit vocem deprecationis meae. Psal. 27.

Dominus adjutor meus, & protector meus; in ipso speravit cor meum, & adjutus sum. Psal. 27.

Audivit Dominus, & misertus est mei: Dominus factus est adjutor meus. Psal. 29.

Benedi-

Benedictus DEUS, qui non amovit orationem meam,
& misericordiam suam à me. Psal. 65.

Voce mea ad Dominum clamavi, & exaudivit me de
monte sancto suo. Psal. 3.

Cum invocarem exaudivit me DEUS justitiæ meæ.
Psal. 4.

Exaudivit Dominus deprecationem meam, Dominus
orationem meam suscepit. Psal. 6.

Exaudivit de templo sancto suo vocem meam, & cla-
mor meus in conspectu ejus introivit in aures ejus. Psal. 77.

Ad solandum se in afflictâ valetudine.

Dedisti metuentibus te significationem ut fugiant à
facie arcûs, ut liberentur dilecti tui. Psal. 59.

DEUS noster, DEUS salvos faciendi, & Domini
Domini exitus mortis. Psal. 67.

Miserere mei Domine, quoniam infirmus sum; sana
me Domine, quoniam conturbata sunt ossa mea. Psal. 6.

Multiplicatæ sunt infirmitates eorum: *quid inde bo-
ni consecutum est?* postea acceleraverunt. Psal. 15. 1. e.
*Festinarunt facere bene, cum adverterent multis morbis uti-
que non diu post mortem successuram.*

Virga tua, & baculus tuus, ipse me consolata sunt.
Psal. 22. *Virga castigat pigros; baculus sustentat debiles:
utraq; equali promptitudine, velut à DEO profecta, acce-
ptanda sunt.*

*Ad agendas DEO gratias post valetudinem ex mor-
bo gravi recuperatam.*

Dominus adjutor meus & protector meus: in ipso spe-

H h 3

ravit

ravit cor meum, & adjutus sum, & reffloruit caro mea, & ex voluntate mea confitebor ei. Pfal. 37.

Domine DEUS meus clamavi ad te, & sanâsti me, Pfal. 29.

Confitebor tibi, quoniam exaudisti me, & factus es mihi in salutem. Pfal. 117.

Non moriar, sed vivam, & narrabo opera Domini. Castigans castigavit me Dominus, & morti non tradidit me. Pfal. 117.

Misit servum suum, & sanavit eos, & eripuit eos de interitionibus eorum. Pfal. 136.

Exaltas me de portis mortis, ut annuntiem omnes laudationes tuas in portis filix Sion. Pfal. 9.

Benedic anima mea Domino, & noli oblivisci omnes retributiones ejus, qui propitiatur omnibus iniquitatibus tuis, qui sanat omnes infirmitates tuas, qui redimit de interitu vitam tuam. Pfal. 102.

Ad agnoscendam suam miseriam ob tam serum accessum ad servitutem DEI.

Et dixi: nunc cœpi (nimirum post tot annos atatis, post tot annos in religioso cœtu exactos; unde merito adjungi potest.) Hæc mutatio dexteræ excelsi. Pfal. 36. Magna enim utique DEI miseratio est, quod quis tam serò denique respiscat.

Ad se excitandum ad agendam etiam corporis cruciatibus Pœnitentiam.

Circumdederunt me dolores mortis (quando peccabam) & pericula inferni invenerunt me. Quid idcirco egi? Tribulationem & dolorem inveni. Excogitavi modum affligendi & eruciandi memetipsum, &, hac spe nixus, nomen Domini

Domini invocavi: *magnâ fiducia confugi ad DEUM: ô Domine libera animam meam.* Psal. 114. *Ita locum hunc S. Basilius interpretatus est.* Ego autem cum [mihi molesti essent (*Dæmones suis tentationibus*)] induebar cilicio, humiliabam in jejunio animam meam; & oratio mea in sinu meo convertetur. Psal. 34.

Operui in jejunio animam meam, & factum est in opprobrium mihi, & posui vestimentum meum cilicium, & factus sum illis in parabolam. Psal. 68. *Hinc excita te ad non pratermittenda opera pœnalia, etiamsi propterea ab aliis traducaris.*

Cinerem tanquam panem manducabam, & potum meum cum fletu miscebam. Psal. 101.

Genua mea infirmata sunt à jejunio, & caro mea immutata est propter oleum. Psal. 108.

Laboravi in gemitu meo, lavabo per singulas noctes lectum meum, lacrymis meis stratum meum rigabo. Ps. 6. *Quod est loco quietis capiendæ peccata sua deplorare.*

In flagella paratus sum, & dolor meus in conspectu meo semper, quoniam iniquitatem meam annuntiabo, & cogitabo pro peccato meo. Psal. 35.

Sacrificium DEO spiritus contribulatus. Psal. 50. *r. e. cum corpore tribulatus.*

Vt excites te ad non deserendum perfectionis studium pro quacunque re Mundi.

Sprevisti omnes discedentes à judiciis tuis, quia injusta cogitatio eorum. Psal. 118. *Nota illud discedentes, & certus sis, quòd pejus sit Sanctitatem deserere, quàm non amplecti. Nec sine magna causa hoc appellatur cogitatio injusta, cum sit summa injuria, quæ DEO inferatur.*

Vt

Vt excites te ad semper proficiendum in virtute.

Beatus vir, cujus est auxilium abs te: ascensiones in corde suo disposuit in valle lacrymarum, in loco quem posuit. Etenim benedictionem dabit Legislator: ibunt de virtute in virtutem; videbitur DEUS Deorum in Sion. Psal. 83.

Tu mandâsti mandata tua custodiri nimis. Psal. 118.

Accedet homo ad cor altum, & exaltabitur DEUS. Psal. 83. *Quò quis progreditur longius, hoc plus via sibi superesse videt.*

Vt nos excitemus generatim ad ferenda prorsus omnia, que nobis ingrata ac molesta accidunt.

Qui seminant in lacrymis, in exultatione metent, Euntes ibant, & flebant mittentes semina sua; venientes autem venient cum exultatione portantes manipulos suos. Psal. 125.

Obmutui, & non operui os meum; quoniam tu fecisti: *Nec insolens tibi videatur, quò addat: amove à me plagas tuas. Nec enim petitur, ut DEUS auferat illas plagas, quas nobis infligit tanquam chirurgus ad nos sanandos, sed illas, ad quas nos damnat ut Judex ad nos puniendos, qualis est excæcatio intellectus, induratio cordis, & permissio casus in reprobum sensum &c. Tuus est dies, & tua est nox; astatem & ver tu plasmâsti ea.* Psal. 73.

Calix in manu Domini vini meri plenus mixto, & inclinavit ex hoc in hoc. Psal. 74. *Nota illas voces: in manu Domini: & solare te.*

Sagittæ tuæ infixæ sunt mihi (*dum ego tanquam cervus fugitivus proripiebam me à facie tua*) & confirmâsti super me ma-

me manum tuam. Psal. 37. *Tu amantissime Venator affectus es me, & manum tuam mihi imposuisti.*

Tu es refugium meum à tribulatione quæ circumdedit me. Psal. 31. *i. e. à Daemonibus libera me, qui in hac afflictione vellet me à te avellere, & idcirco me circumdant.*

Multæ tribulationes iustorum, & de omnibus his liberavit eos Dominus. Psal. 33.

Juxta est Dominus iis, qui tribulato sunt corde. Ps. 33.

Clamabit ad me, & ego exaudiam eum (*sic DEUS loquitur*) cum ipso sum in tribulatione. (*quandiu vivit*) eripiam eum (*in morte*) & glorificabo eum (*in gloria*). Psal. 90.

DEUS noster refugium, & virtus, adjutor in tribulationibus quæ invenerunt nos nimis; propterea non timebimus, dum turbabitur terra, & transferentur montes in cor maris. Psal. 45. *i. e. Non timebimus, etsi sursum deorsum totus Mundus vertatur.*

Invoca me in die tribulationis, eruam te, & honorificabis me. Psal. 49.

Da nobis Domine auxilium de tribulatione, quia vana salus hominis. Psal. 59.

Probasti nos DEUS, igne nos examinasti, sicut examinatur argentum. Induxisti nos in laqueum, posuisti tribulationes in dorso nostro, imposuisti homines super capita nostra. Transivimus per ignem & aquam, & eduxisti nos in refrigerium. Psal. 65.

Locutum est cor meum in tribulatione mea; holocausta medullata offeram tibi. Psal. 61. *Nec enim aliud est Sacrificium tam gratum quam; Pati.*

In die tribulationis meæ DEUM exquisivi, manibus meis nocte contra eum, & non sum deceptus. Psal. 36. *Tempore tribulationis DEUS quodammodo manibus explorabundis*

bundis queritur; tandem autem quantumlibet densa in nocte invenitur. Psal. 76.

Tribulatio & angustia invenerunt me: quid proinde agendum ad vires & robur obtinendum? mandata tua meditatio mea est. Psal. 118.

Si ambulavero in medio tribulationis vivificabis me, & super iram inimicorum meorum extendisti manum tuam (*sic ut nocere mihi non possent, nisi quantum tibi placebat*) & salvum me fecit dextera tua. Psal. 137.

Effundo in conspectu ejus orationem meam (*effundo scilicet coram DEO cor meum*) & tribulationem meam ante ipsum pronuntio. Psal. 141. *Ne igitur cures coram hominibus animum tuum pandere.*

Arcum conteret, & confringet arma, & scuta comburet igni. Psal. 45. *Quod est idem ac dicere: erit tandem finis istius belli, quo DEUS nos oppugnat velut inimicus; & pro eo dabit nobis fructum aeterna pace.*

Fulgura in pluviam fecit. Psal. 134. *Quae videbantur supplicia, mutabuntur in beneficia.*

Beatus homo, quem tu erudieris Domine, & de lege tua docueris enim. Psal. 93. *Tribulatione DEUS nostram tollit ignorantiam.*

Disciplina tua correxit me, antehac & disciplina tua ipsa me docebit in posterum. Psal. 17.

LAUS DEO.

